

Zeitschrift: Igl Ischi : organ della Romania (Societat de Students Romontschs)
Herausgeber: Romania (Societat de Students Romontschs)
Band: 73 (1988)
Heft: 29

Vorwort: Remarcas redacziunalas

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 30.07.2025

ETH-Bibliothek Zürich, E-Periodica, <https://www.e-periodica.ch>

Remarcas redacziunalas

En la part belletristica da quest Ischi semestril presentein nus zacontas historias cuortas da divers auturs. Ei setracta da texts che *Ignaz Cathomen*, Falera, ha translatau primarmein per in auter intent, che nus vein denton bugen surpriu cunquei che la litteratura originala romontscha ei plitost scarta. Dr. *Gion Deplazes*, Cuera, anteriur conrectur alla scola cantunala, sefatschenta dapi entgin temps da rudien cun las fontaunas dalla litteratura romontscha. En quei connex eis el fruntaus sin in interessant document. Partent dil text original, cattaus en la biblioteca episcopala a Cuera, explichescha Deplazes «La genesa dalla poesia 'Stai si defenda' da G.C. Muoth», il prencipoet da Breil. Dr. *Clau Solèr*, Pasqual/Lumbrein, ha gia publicau egl Ischi semestril pliras gadas schinumai texts populars. Sut il tetel «Tuts ston murir» ha el rimnau ed explicau texts da treis convischins da Lumbrein. Quels descrivan usits e deportaments en connex cun la mort.

Sur *Sep Fidel Sievi*, plevon a Mustér, terminescha sia lavur davart «Gruppaziuns e cuminonzas religiusas». En quella tiarza part sefatschenta el cun la baselgia neo-apostolica, cun las perdetgas da Jehova, cun ideologias e religius novas e dat lu aunc sin via al lectur zacontas ponderaziuns finalas. A caschun dalla radunonza generala dils emploiai grischuns dils 15 da mars 1985 ha il president dalla Regenza grischuna, dr. *Donat Cadruvi*, salvau il referat «Davart l'obligaziun da fideivladad digl emploiau – libertad ni repressiun?» Bugen publichein nus egl Ischi semestril quellas interessantas ponderaziuns davart in tema che dat adina puspei da discussiunar ella publicitad.

La «Cronica» dad *Ignaz Cathomen*, Falera, informescha davart il curriu e passau en Surselva duront igl onn vargau. *Norbert Berther*, Cuera, ha cumpilau la vasta gliesta da publicaziuns sursilvanas.

Cul nr. 29 va la retscha digl Ischi semestril a fin. Sco gia menziunau el nr. 28 cala la Romania da publicar igl Ischi ella fuorma semestriala. La radunonza da delegai dalla Romania dils 28-11-87 a Razén ha decidu da returnar naven da 1989 agl Ischi annual. Detagls e concept vegnan a vegnir publicai a temps ella pressa.